



## Instituto do Petróleo e Geologia – Instituto Público (IPG)

### TERMU DE REFERENCIA

- Kargu / Titlu** : Fiskal (Auditor) Uniku ba Instituto Petroleo e Geologia
- Responsabilidade** : Atu asegura regularidade financeira no konformidade legal ba asaun hotu hotu ne'ebé hala'o iha Instituto Petroleo e Geologia (IPG) nia laran, liu liu, ba ida ne'ebé mak implika ba jestaun orsamentu nian no património IPG nian.
- Lokalizasaun** : Instituto Petroleo e Geologia, Dili, Timor-Leste

### I. KRITERIA SELESAUN NIAN

#### *Formasaun Akademika*

##### Rekezitu Jeral

- Nivel Edukasaun Lisensiatura husi Kontabilidade, Jestaun Financeira ou Direitu;
- Sidadaun Timor-Leste;
- Idade ka tinan minimu 18 no maximo 45

##### Rekezitu ho vantajen diak liu

- Mestrado iha area sira ne'ebé temi iha rekezitu jeral;
- Kazu Lisensiatura Direitu, preferensialmente Lei Komersiu.

#### *Formasaun Profesional*

- Iha formasaun profesional ho durasaun tempu ne'ebé la kotu-kotu minimu fulan neen (6) iha area Auditoria, Kontabilidade, Jestaun Finansas no Direitu Komersiu.
- Formasaun sira profesional sira iha leten tenki iha sertifikadu no atestadu

#### *Esperensia Profesional*

- Esperensia servisu minimu tinan tolu (3) iha area Auditoria, Kontabilidade, Jestaun Finansas no Direitu Komersiu

#### *Abilidade ba lian*

- Hatene ho diak (domina) iha hakerek, koalia no le lian Portugues
- Hatene ho diak (domina) iha hakerek, koalia no le lian Tetum
- Hatene ho diak (domina) iha hakerek, koalia no le lian Ingles

#### *Abilidade ba kumputador nian*

- Hatene diak Microsoft Office (MS Word, Excel, Power Point)
- Vantajen bainhira hatene aplikasaun komputador relasiona ho kontabilidade nian

HC



### ***Abilidade Esensial Seluk***

- Bele hakerek relatorio auditoria iha lian Portugues, Tetum no Ingles
- Bele identifika, analisa problema ruma no buka solusaun (*Problem Solving*)
- Iha abilidade komunikasaun nebe mak diak (*Communication*)
- Bele servisu iha ekipa (*Team Work*)
- Iha abilidade atu kria no hadi'a sistema
- Kreativo no inovativo

## **II. INFORMASAUN BAZIKA (BACKGROUND)**

Instituto do Petróleo e Geologia – Instituto Público (IPG), hanesan institutu publiku Estado Timor-Leste nian, ne'ebé mak estabese iha tinan 2012, liu husi Dekretu – Lei, no. 33/2012 de Julho 2012. Ho objetivo principal mak, atu koleta dadus geologikus, halo estudu no investigasaun cientifiku, no produsaun ba informasaun geologiku, inclui minarai, gás, rekursu mineral no mos risku geologiku.

IPG hanesan institutu ida nebe integra iha administrasaun indireta Estadu nian, ho forma hanesan institutu publika ida, ho autonomia administrativa no finanseira, orsamentu no patrimóniu rasik.

Tuir Dekretu Lei, Capitulo II, Artigo 4.º kona ba estrutura organizasional nebe mak sei kompostu husi:

- Conselho Directivo;
- Presidente;
- Fiscal Único.

Fiskal uniku mak sai orgaun responsavel atu aseguara regularidade finanseira no konformidade legal ba asaun hotu hotu ne'ebé hala'o iha instituisaun nia laran, liu liu, ba ida ne'ebé mak implika ba jestaun orsamentu nian no património IPG nian.

Nomeasaun Fiscal Único ba IPG baseando ba despaxu hamutuk ho Ministeriu Petroleu no Minerais no Ministeriu Finansas.





## **Instituto do Petróleo e Geologia – Instituto Público (IPG)**

Laiha prejuizu rezime husi nomeasaun, selesaun ba kandidatu(a) observa prinsipius husi publisidade, husi transparensia no prosedimentu kompetitivu. Iha termu ida ne'e, prosedimentu konkursal sei adopta, ho devidas adaptasaun, rezime konkursus, rekrutamentu selesaun no promosaun ba pessoal Administrasaun Publika estabelesido husi Dekretu-Lei noº. 34/2008, de 27 de Agosto no Kriteria Selesaun Instituto do Petróleo e Geologia – Instituto Público (IPG).

### **III. PADRAUN PROFESIONALISMU**

Fiscal Único hanesan orgaun nebe mak independenti iha instituto nia laran nebe mak sei adere ba prosedimentu lei nasional finansas nian no regulamentu interna IPG nian.

### **IV. AUTORIDADE E KONFIDENSIALIDADE**

Tuir Dekretu-Lei Artigu 10.º katak Fiskal uniku mak sei asegura regularidade financeira no konformidade legal ba asaun hotu hotu ne'ebé hala'o iha instituisaun nia laran, liu liu, ba ida ne'ebé mak implika ba jestaun orsamentu nian no patrimóniu IPG nian. Tamba ne'e parte hotu-hotu nebe esiste iha instituisaun nia laran sei fo assistensia ba Fiscal Único atu hala'o nia knar lolos.

Dokumentos no informasaun nebe mak Fiscal Único hetan relasiona ho lala'ok financeira iha instituto nia laran sei asegura hanesan konfidensial entre parte sira nebe mak involve iha prosesu refere.

### **V. INDEPENDÊNCIA**

Tuir Dekretu-Lei, Capítulo II, Artigo 4.º katak Fiscal Único sei hatu'o relatorio ba Presidente no Conselho Directivo IPG nian regularmente ou tuir kualker tempu nebe mak Presidenti no Conselho Directivo husu. Presidenti no Conselho Directivo sei halo asesmentu ba Fiscal Único baseia ba estrutura organizasaun, mandatu no orsamentu hodi suporta servisu Fiscal Único nian.

Fiscal Único sei la iha limitasaun atu asesu ba lala'ok financeira no la iha influencia husi parte nebe deit atu hala'o nia servisu rasik.



**VI. AMBITU SERVISU NIAN TUIR DISKRISAUN KONTIUDU FUNSIONAL**

**1. Kompetensia ba Fiskal Úniku atu:**

- a) Hala'o akompainamentu no kontrolu regular ba lalaok relasiona ba lei no regulamentu kona ba ejekusaun orsamentu, situasaun kona ba ekonomia, finanseira no patrimonial;
- b) Halo analize ba kontabilidade, halo fiskalizasaun periodika ba eskriturasan, rejistus no livrus;
- c) Halo auditoria ba jestaun ekonomika, finanseira no patrimonial;
- d) Fahe hanoin (pareser) tekniku nebe fundamentu kona ba:
  - i. Orsamentu, revizoens, no ejekusaun;
  - ii. Planu anual atividade nian, iha prespetiva kobertura orsamental nian;
  - iii. Relatoriu kona ba jestaun serbisu nian no konta ne'ebé hala'o;
  - iv. Akizisaun, arendamentu, onerasaun/kobransa no alienasaun/transferensia ba bens imóveis;
  - v. Akizisaun, arrendamentu, oneramentu no alienasaun ba bens moveis ho valor superior ba dolares Amerikanu rihun lima;
  - vi. Simu doasaun, heransas ka legadus;
- e) Hato'o relatorio ba Conselho Directivo kona ba rezultadus analize nian, verifikasoens no auditorias internas ne'ebé mak hala'o ne'e;
- f) Propoen ba órgaun tutela no membru governu nian ne'ebé ho responsabilidade kona ba finansas Estadu nian atu realizasa auditorias externas bainhira justifika husi situasaun ruma ne'ebé mak detekta;
- g) Informa nafatin ba orgaun sira ne'ebé temi iha alínea leten ne'e, nune'e mos Conselho Directivo, bainhira hetan iregularidade ruma;
- h) Fo sai rekomendasoens kona ba hahalok kontrolu internu nian no monitorizasaun kona ba hahalok ne'ebé iha impaktu finanseiru ka patrimonial;
- i) Elabora relatórios dezempenho kona ba knar auditoria nian, inklui mos relatório anual global ida.

**2. Iha hala'o nia kompetensia, Fiskal Úniku bele:**

- a) Husu ba Conselho Directivo no servisu IPG sira nian atu disponibiliza informasoens hotu-hotu no preve atu fo klarifikasaun nesesariu hodi hala'o nia knar ho diak;



## Instituto do Petróleo e Geologia – Instituto Público (IPG)

- b) Husu asesu livre ba serbisus hotu, dokumentasaun no dados, no prezente husi sira nian responsavel;
  - c) Foti medidas atu salvaguarda informasaun no dokumentus, bainhira konsidera esensial atu halo konkluzoens no rekomendasoens iha futuru nian.
3. Fiskal Úniku ne'e sei apresenta ninia relatório annual to'o data 31 de Março tinan tuir mai nian relaciona ho servisu tinan kotuk nian.
4. Ho esesaun ba relatoriu ne'ebé temi iha numeru leten ne'e, relatoriu Fiskal Úniku nian tenki elabora no konklui iha prazu loron 30 (tolu nulu) nia laran hafoin data ne'ebé simu informasaun atu elabora relatoriu ne'e.
5. Ba Fiskal Úniku, karik parte ruma lakohi atu fo informasaun, dokumentasaun no dados ne'ebé mak husu, sei fo hatene lalais ba orgaun tutela nian no membru governu ne'ebé ho responsabilidade iha area finansas Estadu nian.

Dili, ~~2.4~~ de Julho de 2019



**Hélio C. Guterres**

Presidente do Conselho de Diretivo no Presidente do IPG